



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e-mail: info@voda.ba

Broj: **UP-1/21-3-40-580-5/23**

Datum: **22.02.2024. god.**

„Agencija za vodno područje rijeke Save“ Sarajevo rješavajući po zahtjevu pravnog lica „DEMUS“ d.o.o. Sarajevo, za donošenje rješenja o vodnoj dozvoli za ispuštanje oborinskih onečišćenih otpadnih voda (tehnoloških otpadnih voda) u prirodni recipijent lokacije objekta asfaltne baze locirane u Gladnom polju, naselje Rakovica, općina Ilidža, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „DEMUS“ d.o.o. Sarajevo daje se vodna dozvola za ispuštanje oborinskih onečišćenih otpadnih voda (tehnoloških otpadnih voda) u prirodni recipijent sa lokacije pogona za proizvodnju asfalta, izgrađene na zemljištu označenom kao k.č. broj: 704/6 K.O. Hadžići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, u skladu sa dostavljenim dinamičkim planom ovjerenim i potpisanim od strane odgovornog lica podnosioca zahtjeva, a koji je sastavni dio ovog Rješenja, do 01.10.2024. godine u potpunosti realizuju radovi na prikupljanju i tretmanu otpadnih voda sa pogona za proizvodnju asfalta firme „DEMUS“ d.o.o. Sarajevo, a sve u skladu sa projektnom dokumentacijom: Dopuna Glavnog projekta sakupljanja, tretmana i ispuštanja otpadnih voda za kompleks asfaltne baze, reg broj: 10-2/22, broj protokola: 125/22, urađen od strane „TQM“ d.o.o. Lukavac, kako slijedi:

R.B	Naziv aktivnosti	Finansijska procjena za realizaciju aktivnosti	Rok za realizaciju aktivnosti
1	Betoniranje temelja za vertikalne spremnike bitumena	2.325,20	29.02.2024
2	Betoniranje tankvana oko vertikalnih spremnika bitumena	5.252,00	31.03.2024
3	Montaža druge vertikalne cisterne za bitumen	85.000,00	30.04.2024
4	Priprema platoa I Izrada tamponskog sloja 0-64mm d= 30 cm	22.800,00	30.04.2024
5	Asfaltiranje platoa asfaltom BNHS 22 d=8cm I dio	63.418,74	30.04.2024
6	Priprema platoa I Izrada tamponskog sloja 0-64mm d= 30 cm II dio	22.800,00	31.03.2025
7	Asfaltiranje platoa asfaltom BNHS 22 d=8cm II dio	63.418,74	31.03.2025

- 3.3. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
- 3.4. U skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) nosilac prava iz ove vodne dozvole dužan je izvještavati AVP Sava i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, prvi put najkasnije do 31.12.2024. godine, a drugi put najkasnije do 30.06.2025. godine na obrascu iz Priloga B navedene Uredbe.
- 3.5. Korisnik poslovnog objekta za sve vrijeme trajanja ove vodne dozvole, mora obezbjediti da se oborinske onečišćene vode sa saobraćajnih i manipulativnih površina zajedno sa tehnološkim otpadnim vodama nastalim u krugu pogona za proizvodnju asfalta (deponije pijeska) nesmetano prikupljaju sistemom slivnih rešetki i kanalizacione mreže te odvođe do uređaja za prečišćavanje onečišćenih voda (taložnik, tipski separatora ulja i naftnih derivata), a zatim preko okna za monitoring ispuštaju u recipijent.
- 3.6. Da se skladištenje mazuta, energenta za zagrijavanje bitumena, vrši u podzemnim čeličnim spremnicima, kapaciteta 2x20 t, smještenim u armiranobetonskoj tankvani adekvatne zapremine.
- 3.7. Da se skladištenje bitumena, vezivnog sredstva u proizvodnji asfalta, vrši u nadzemnim čeličnim spremnicima, kapaciteta 2x50 t, koji su smješteni u armiranobetonskoj tankvani adekvatne zapremine.
- 3.8. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 19. i 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 3.10. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH”, broj 14/10, 14/13, 26/14, 23/17 i 41/20).
- 3.11. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbjediti njihovu potpunu ispravnost i funkcionalnost, kako bi se zadovoljio propisani kvalitet efluenta. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- 3.12. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
- 3.13. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.14. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.15. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.

- 3.16. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. U periodu važenja ove vodne dozvole, Investitor, odnosno korisnik objekta „DEMUS“ d.o.o. Sarajevo je dužan provoditi sve mjere i aktivnosti propisane istom.
 8. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 26. stav 1. Uredbe o uslovima ispuštanja otpadnih voda u okoliš i sisteme javne kanalizacije se daje sa rokom važenja 30.06.2026.
 11. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Investitor „DEMUS“ d.o.o. Sarajevo, obratio se ovoj Agenciji sa zahtjevom za ispuštanje oborinskih onečišćenih otpadnih voda (tehnoloških otpadnih voda) u prirodni recipijent lokacije pogona za proizvodnju asfalta, izgrađenog na zemljištu označenom kao k.č. broj: 704/6 K.O. Hadžići, općina Ilidža. U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija rješenja o registraciji broj: 065-0-Reg-14-002876 od 06.10.2014. godine izdato od Općinskog suda u Sarajevu;
- Ovjerena kopija Aktuenog izvoda iz sudskog registra broj: 065-0-RegŽ-21-011784 od 23.12.2014. godine izdato od Općinskog suda u Sarajevu;
- Ovjerena kopija Uvjerjenja o poreznoj registraciji donesenog od strane Porezne uprave – Kantonalni porezni ured Sarajevo, 15.11.2017.godine;
- Ovjerena kopija zemljišnoknjižnog izvotka broj: 113008/21, zk uložak broj: 1152 od 21.12.2021. godine izdat od Općinskog suda u Sarajevu;
- Kopija Upotrebne dozvole broj: 0647-03/21 od 24.03.2021. godine na osnovu Zakona o zaštiti na radu izdato od „Protect-ing“ d.o.o., Hadžići;
- Ovjerena kopija Rješenja o dosudi broj: 065-0-Dn-21-023633 od 17.12.2021. godine izdato od zemljišnoknjižnog ureda, Općinski sud u Sarajevo;

- Dinamički i finansijski plan aktivnosti za 2023. i 2024. godinu na asfaltnoj bazi „Demus“ d.o.o., Sarajevo od 22.02.2022. godine;
- Dopuna Glavnog projekta sakupljanja, tretmana i ispuštanja otpadnih voda za kompleks asfaltna baze, reg broj: 10-2/22_rev1, broj protokola:125/22, urađen od strane „TQM“ d.o.o., Lukavac (na uvid).
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 01.02.2024. godine izvršen pregled objekata, o čemu je sačinjen Zapisnik o uvidaju broj: UP-1/21-3-40-579-2/23.

Na osnovu dostavljene dokumentacije i izvršenog uvida na predmetnoj lokaciji utvrđeno je slijedeće: Postrojenje za proizvodnju asfalta (kapaciteta 100 t/h) firme „DEMUS“ d.o.o. Sarajevo, nalazi se na lijevoj obali vodotoka Rakovica, na zemljištu označenom kao k.č. 704/6 K.O. Hadžići, općina Ilidža.

U sklopu postrojenja asfaltna baze, u cilju normalnog odvijanja tehnološkog procesa, se nalaze i cisterne za skladištenje bitumena (novi nadzemni vertikalni spremnici zapremine 2 x 50 tona) i spremnici lož ulja (dva podzemna jednoplašna spremnika po 20 t).

Ispod cisterni za skladištenje bitumena (novi nadzemni vertikalni spremnici zapremine 2 x 50 tona) nije izgrađena tankvana, za prihvatanje eventualno rasutog bitumena.

Snabdijevanje vodom riješeno je priključkom na gradski javni vodovodni sistem. U predmetnom pogonu voda se koristi za sanitarne potrebe, pranje manipulativnih površina i kao protivpožarna voda.

Projektovano rješenje prikupljanja i tretmana onečišćenih voda sa manipulativnih površina (slivnici, kanalizaciona mreža, AB dvokomorni taložnik, separator, monitoring okno i ispust sa žabljim poklopcem) nije u potpunosti izvedeno.

Ne postoji sistem za prikupljanje površinskih - oborinskih voda sa manipulativnih površina, već se iste razlijevaju po okolnom terenu (manipulativnih površina, pristupni put i parking prostor nisu asfaltirani).

Od ponosioca zahtjeva je u skladu sa Uredbom o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 1/24), dopisom broj: UP-1/21-3-40-579-3/23 od 02.02.2024. godine zatraženo da dostavi detaljan dinamički plan ulaganja za realizaciju radova na ispunjenju tačke 2.2. Rješenja o vodnoj dozvoli broj: UP-1/21-3-40-002-8/22 od 14.03.2022. Podnosioc zahtjeva je dana 28.02.2024. godine putem pošte dostavio traženi dinamički plan sa spiskom aktivnosti i mjera sa finansijskom procjenom za ulaganje, te rokove u kojima će pravni subjekt realizirati pojedine aktivnosti. Dostavljeni dokument koji je sastavni dio spisa je poslužio za definiranje uslova iz tačke 3.2. ovog rješenja.

Na osnovu uvida u dostavljeni dinamički plan utvrđeno je sljedeće:

Krajnji rok za realizaciju svih radova predviđenih dostavljenom projektnom dokumentacijom (Dopuna Glavnog projekta sakupljanja, tretmana i ispuštanja otpadnih voda za kompleks asfaltna baze, reg broj: 10-2/22, broj protokola: 125/22) je 31.03.2025. godine.

Rokovi za realizaciju pojedinih aktivnosti iz dostavljenog dinamičkog plana koji je sastavni dio ovog rješenja su navedeni u tački 3.2. dispozitiva.

Na osnovu dostavljene dokumentacije i uvida izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačka s) i članova 14., 19. i 20 Uredbe o uslovima ispuštanja otpadnih voda u okoliš i sisteme javne kanalizacije. Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je uplatio upravnu taksu u iznosu od 70 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13)

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.grad.

Po ovlaštenju
Rukovodilac sektora za izdavanje vodnih akata

Haris Ališehović, dipl.ing.grad.



Dostaviti:

- DEMUS" d.o.o., Sarajevo, ul. Patriotske lige b.b, Sarajevo
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava